



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Brixiana.

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

AD S. ANGELVM.

Hic pietas in patriam, & pauperes prompta, monumento est vobis posteris, vbi iaceo. ANTONIVS LAFAITATVS, nulli vnquam noxius, Deo promissus. Vale.

AD SIGISMVNDI.

FRANCISCVS SFORZIAE F. ex Sfortia familia Mediolan. Dux: Blancam--Mariam Philipp. Vicecomitis F. hęc sibi vxorem adiunxit, idęq; per verba & annulos ex more significauit, anno à Christi conceptione 1457.

IBIDEM.

BLANCA MARIA FRANC. Sforziae vxor. M. P. Q. aram, atque ædē felic. Matrimonij M. F. C. Hieronymo, eiusq; monachis cessit, ac sacramentis ministris victū annuum de suo H. E. Cremona. dotali vrbe dd. decreuit. Legauit Anno 1460.

BRIXIANA.

IN BRIXIAM IVL. CAE S.
SCALIGER.

Quæ pingues scatebras specula despectat ab æthero
Postulat imperij Brixia magna vices. (1)
Cælum hilarum, frons læta vrbi, gens nescia fraudis.
Atq; modum ignorat diuitis vber agri.
Si regeret patrias animis concordibus oras;
Tunc poterat dominis ipsa iubere suis.

IN CATHEDRALI.

Vixi, & securus mei possessor fui; quæ dederat
mihi Deus, in cursu peregi; pietate Christi optimi
meliores sedes spero: Valetè Brixienfes mei; cœ-
lum spectate, Deo parete: nam quàm fragilis &
caduca sit vita mortalium, meo exemplo discite.
M. CCCC. L XIII.

CORNELII MICHAELIS.

Heu CORNELI, quæ fors tua?

Sum felix; ne me vexes.

Cur in pube læta obiisti?

Satis vixit, qui bene moritur.

IN PALATIO CAPITANEL.

*Mic locis odit, amat, punit, conseruat, honorat.
Nequitiam, pacem, crimina, iura, probos.*

IN D. FAVSTINI ET IOVITAE
MEMORIAE AETERNÆ.

Illustris Viri PAVLI AVOGARDI Brixiani,
qui ob insignem animi erga Deum pietatem,
SSQ. FAVSTINVM & IOVITAM patriæ suæ
Patronos, ad tuendam amplificandamq; Brixiano-
rum societatem, eorum SS. nomine in vrbe nuper
institutam, pro sacris, diebus singulis in ea fa-
ciendis, mille aureos nummos moriens
legauit. Societatis ordo Bene me-
ren. POS. CIO. IO.
LXXIII.

M

BER

 BERGOMATIA.

 IN BERGOMVM IVL. CAE &
 SCALIGER.

*Ingenium, corpus, mores, obrutus, amictus,
 Tecta, cibus, gressus, guttura, sermo, sonus:
 Omnia crassa modis insignibus, omnia dura;
 Sic valeant silices vt superare suos.
 Ista domi: sed vicinus si aspergat acetum,
 Artibus atque dolis vincitur ipse suis.*

 IN CATHEDRALI.

D. O. M.

BARTHOLOMAEVS COLEONIVS de Andegavia virtute immortalitatem adeptus, vsq; ad deo in re militari fuit illustris, vt non modò tantè viventium gloriam longè excefferit, sed & posteris spem eum imitandi ademerit. Multoties enim à diuersis Principibus, deincepsq; ab Illustriss. Venetorum Senatu accepto imperio, tandem rotius Christianorum exercitus, sub Paulo II. P. M. delectus fuit Imperator, cuius acies 14. annis ab eius obitu, solo iam defuncti Imperatoris, tâquam viui nomine militantes, iussa cuiuscumq; alterius contempserunt. Obijt 4. Non. Nouem. Anno Domini 1475.

 IN PALATIO.

BERGOMVM vrbs vetustiss. Ann. ante S. N. 1804. à Cidno Liguris Hetruscorum Regis F. exstructa: aliquando in libertate, aliquando sub Romano, Caesarum, Regum, ac Ducum Imperio, vario euentu

uentu iactata, sub sanctissima D. Marci alarū vmbra, tandem diuturnæ pacis otio fruitur, & feliciter quiescit.

IBIDEM.

ANTONIA ciuis Bergomi virgo, non minus animi, quàm corporis pulchritudine pollens; cum ab N. N. violentum in se stuprum parari videret; mortē pro conseruanda pudicitia vilipédens, gladio violatoris erepto: intrepidum sibi pectus transfodiens, singulari castitatis exemplo urbem hanc perpetuo illustrauit.

TICINENSIA.

IN TICINVM IVL. CAES.
SCALIGER.

QVA citus Eridani ditat TICINVS arenas;
Gratus honoratas hospitis hospes aquas:
Lux studiorum ingens, Regum pulcherrima sedes;
Signat inexhausti iugera plena soli.
Deiicta Italia, reliquis voluere relictis;
Magnanimi hac potius parte sedere Duces. (est
Pace tua, Hesperia alma parens, hæc dixero: quanta
Quanta aue sum! totum es: pars tamen vna placet.

IN AËDE D. PËTRI.

SEVERINI BOETII EPISCOPI.

Mæonia, & Latia lingua clarissimus, & qui
Consul eram, hic perij missus in exilium.
Sed quid mors rapuit? probitas me vexit ad auras,
Et nunc fama viget maxima, viuit opus.

M 2

IN